

AZILKËRKUESIT NË SHQIPËRI

2025


Në vitin 2025, në Shqipëri u regjistruan 144 azilkërkues, ose 40 persona më shumë, krahasuar me vitin 2024.

Azilkërkuesit në Shqipëri sipas vendeve kryesore të origjinës:

- Egjipt 39,6 %;
- Afganistan 11,8 %;
- Palestinë 9,7 %.

Aplikimet për azil u përqendruan kryesisht gjatë muajve Gusht, Shtator dhe Tetor të cilët së bashku përbënin 63,2 % të numrit total të kërkesave për azil gjatë vitit 2025.

FIG. 1 SHPËRNDARJA E KËRKESAVE PËR AZIL SIPAS MUAJVE, 2025, NË %



Burimi: Drejtoria e Politikave kundër Krimit të Organizuar, Migracionit dhe Azilit, Ministria e Punëve të Brendshme.

Fitimi dhe lënia e shtetësisë shqiptare¹

Gjatë vitit 2025, shtetësinë shqiptare e fituan 495 persona, prej të cilëve 306 e rifituan dhe 189 e fituan. Ndërsa, 173 persona e kanë lënë shtetësinë shqiptare në vitin 2025.


Sipas vendeve kryesore të origjinës, personat që fituan shtetësinë shqiptare ishin:

- 56,1 % nga Kosova;
- 20,1 % nga Turqia;
- 4,8 % nga Maqedonia e Veriut;
- 4,8 % nga Italia.

¹ *Shënim metodologjik: Prej vitit 2025, në prodhimin e statistikave mbi fitimin dhe lënien e shtetësisë shqiptare është integruar një burim i ri i të dhënave. Ky zhvillim ka mundur zgjerimin e mbulimit dhe përmirësimin e plotësisë së informacionit statistikor, duke rritur cilësinë dhe harmonizimin me standardet ndërkombëtare. Burimet e pasuruara të të dhënave do të përdoren në vijimësi për prodhimin e statistikave në vitet pasuese.

Grup-mosha 30-39 vjeç përbënte peshën më të madhe të personave që fituan dhe që lanë shtetësinë shqiptare. Konkreisht, 31,7 % e personave që fituan shtetësinë shqiptare dhe 43,9 % e atyre që hoqën dorë nga shtetësia shqiptare i përkisnin kësaj grup-moshe.

FIG. 2 FITIMI DHE LËNIA E SHTETËSISË SHQIPTARE SIPAS GRUPMOSHËS, 2025, NË %



Burimi: Drejtoria e Politikave të Shtetësisë, Ministria e Punëve të Brendshme.

Metodologjia

Qëllimi i publikimit vjetor për azilkërkuesit në Shqipëri është paraqitja e rezultateve dhe treguesve për azilkërkuesit në Shqipëri sipas muajit të aplikimit, vendeve të origjinës, si dhe numrin e individëve që kanë marrë, lënë dhe rifituar shtetësinë Shqiptare.

Të dhënat mbi azilkërkuesit dhe fitimin ose lënien së shtetësisë në Shqipëri sigurohen nga Drejtoria e Politikave kundër Krimit të Organizuar, Migracionit dhe Azilit dhe Drejtoria e Politikave të Shtetësisë në Ministrinë e Punëve të Brendshme.

Përkufizime:

Azil është forma e mbrojtjes ndërkombëtare që Republika e Shqipërisë u jep refugjatëve dhe personave në mbrojtje plotësuese.

Azilkërkues është çdo shtetas i huaj ose person pa shtetësi, që ka paraqitur kërkesë për mbrojtje ndërkombëtare, për të cilën nuk është marrë ende një vendim përfundimtar i formës së prerë.

Aplikim për azil është kërkesa zyrtare e të huajit ose personit pa shtetësi para autoritetit përgjegjës për azilin dhe refugjatët, e cila vlerësohet si një kërkesë për mbrojtje ndërkombëtare, sipas Konventës së Gjenevës së OKB-së, "Mbi statusin e refugjatit". Çdo kërkesë për mbrojtje ndërkombëtare vlerësohet si aplikim për azil, përveç rastit kur i huaji kërkon qartazi një lloj tjetër mbrojtjeje, për të cilën aplikohet veçmas.

Kërkesë për azil është çdo deklaratë e të huajit ose personit pa shtetësi, e shprehur në çfarëdolloj mënyre e në çfarëdo kohe përpara autoriteteve kompetente, në pikat e kalimit kufitar apo brenda territorit të Republikës së Shqipërisë, i cili kërkon mbrojtje ndërkombëtare, sipas konventave ndërkombëtare dhe legjislacionit shqiptar.

Shtetësia shqiptare fitohet, rifitohet, humbet apo lihet në përputhje me dispozitat ligjore për shtetësinë shqiptare, të cilat respektojnë normat e parimet e njohura të së drejtës ndërkombëtare në fushën e shtetësisë, të pranuar nga Republika e Shqipërisë.

Shtetësia shqiptare fitohet me: a) lindje; b) natyralizim; c) birësim.

Fitimi i shtetësisë fitohet nga një i huaj që ka paraqitur kërkesë për marrjen e shtetësisë shqiptare, në rast se plotëson kushtet e paracaktuara në ligj.

Lënia e shtetësisë shqiptare nënkupton se pasja e shtetësisë shqiptare merr fund sipas kërkesës së personit, kur ai plotëson kushtet e paracaktuara në ligj.

Shtetas i huaj është personi i cili nuk është shtetas i Republikës së Shqipërisë dhe ka shtetësi të huaj.

Person pa shtetësi është personi që nuk gëzon shtetësinë e asnjë shteti për shkak të mungesës së një lidhjeje të qëndrueshme juridike ndërmjet tij dhe një shteti.

Refugjat është shtetasi i huaj ose personi pa shtetësi, i cili, për shkak të frikës së bazuar të persekutimit, për arsye të racës, besimit, kombësisë, anëtarësisë në një grup të caktuar shoqëror ose bindjes politike, ndodhet jashtë vendit të shtetësisë së tij ose jashtë vendbanimit të zakonshëm të mëparshëm dhe nuk ka mundësi ose dëshirë për të kërkuar mbrojtjen e atij vendi apo kthimin në atë vend, si pasojë e këtyre rrethanave, në përputhje me kriteret e nenit 1 (A) të Konventës së Gjenevës.

Shtet apo vend i origjinës është shteti, shtetësinë e të cilit mban kërkuesi ose në rastin e personave pa shtetësi, vendbanimi i zakonshëm i mëparshëm.

Status i mbrojtjes plotësuese është njohja në Republikën e Shqipërisë e të huajit ose personit pa shtetësi, si person i pranueshëm për mbrojtje plotësuese.

Status i refugjatit është njohja në Republikën e Shqipërisë e shtetasit të huaj ose personit pa shtetësi si refugjat.